

Temeljem odredbi članka 54. stavak 1. alineja d) Zakona o visokom obrazovanju u HNK („Narodne novine HNK“ broj: 4/2012), članka 58. stavak 1. alineja d) Statuta Univerziteta modernih znanosti – CKM, Mostar, Senat Univerziteta na svojoj IV redovitoj sjednici od 17.12.2014. godine donosi u sljedećem tekstu

PRAVILNIK O POSTUPKU PREDLAGANJA NOVIH I IZMJENE POSTOJEĆIH STUDIJSKIH PROGRAMA

I OSNOVNE ODREDBE

Članak 1.

Predmet Pravilnika

Ovim Pravilnikom uređuje se postupak predlaganja novih kao i postupak izmjene postojećih studijskih programa koji se izvode na Univerzitetu modernih znanosti-CKM, Mostar.

II UVOĐENJE NOVOG STUDIJSKOG PROGRAMA

Članak 2.

Inicijativu za uvođenje novog studijskog programa može pokrenuti osnivač, organi univerziteta i ustrojbenih jedinica Univerziteta.

Članak 3.

Senat Univerziteta formira komisiju koja će sačiniti Elaborat o društveno – ekonomskoj opravdanosti uvođenja studijskog programa. Za potrebe izrade studijskog programa, Univerzitet može angažirati i vanjske suradnike - eksperte.

Članak 4.

Elaborat o opravdanosti izvođenja studijskog programa minimalno sadrži:
Uvodni dio koji pruža informacije o:

- razlozima pokretanja studijskog programa
- usklađenost sa misijom i vizijom Univerziteta
- ciljevi studijskog programa
- kompetencije.

Opis organizacije i strukture studijskog programa sa informacijama o:

- nazivu i cilju studijskog programa,
- oblasti obrazovanja kojoj pripada studijski program,
- vrsti studija i ishodu procesa učenja,
- stručnom, akademskom, odnosno znanstvenom nazivu,
- uvjetima za upis na studijski program,
- trajanje studija
- listi obaveznih i izbornih predmeta sa okvirnim sadržajem,
- potrebno vrijeme za izvođenje pojedinih oblika studija
- predviđeni broj akademskih sati za pojedine kolegije i njihov raspored po akademskim godinama,
- bodovnu vrijednost svakog predmeta iskazana u ECTS bodovima,
- bodovnu vrijednost završnog rada iskazana u ECTS bodovima,
- uvjetima za prelazak sa drugih studijskih programa
- kao i ostala pitanja od značaja za izvođenje studijskog programa.

Članak 5.

Izrađen Elaborat o opravdanosti izvođenja studijskog programa dostavlja se znanstveno nastavnom vijeću na odobravanja, a Senatu na usvajanje.

Članak 6.

Usvojeni Elaborat dostavlja se Ministarstvu prosvjete, znanosti, kulture i športa na licenciranje.

Postupak licenciranja studijskog programa sprovodi se u skladu sa Zakonom o visokom obrazovanju.

III POSTUPAK IZMJENE I DOPUNE POSTOJEĆEG STUDIJSKOG PROGRAMA

Članak 7.

Manje izmjene i dopune studijskog programa znače izmjene plana izvođenja studijskog programa do 20 ECTS bodova, a koje bitno ne mijenjaju studijski program, završne kompetencije studenata i njihove kvalifikacije.

Članak 8.

Pod manjim izmjenama studijskog programa podrazumijeva se:

- ažuriranje studijske literature,
- preraspodjela ECTS bodova unutar ukupnog broja ECTS bodova jednog predmeta,
- promjena semestra u kom se predmet izvodi,
- promjena formalnog naziva predmeta,
- preraspodjela broja nastavnih sati za različite oblike nastave unutar broja predviđenog za predmet.

Članak 9.

Redovno osuvremenjivanje predmeta koje se odnosi na poboljšavanje nastavnih metoda, praćenje literature i uspjeha studenata, te usklađivanje sadržaja sa suvremenim saznanjima, ne smatraju se znatnijim promjenama, nego predstavljaju dio osiguranja kvaliteta.

Članak 10.

Inicijativu o manjim izmjenama studijskog programa mogu pokrenuti nastavnici i suradnici koji izvode nastavu na studijskom programu, studenti koji su upisani na studijski program, te organi ustrojbenih jedinica.

O manjim izmjenama odlučuje znanstveno nastavno vijeće ustrojbenih jedinica.

Članak 11.

Pod većim izmjenama i dopunama studijskog programa podrazumijevaju se one koje bitno i/ili u iznosu većem od 20 ECTS bodova mijenjaju studijski program.

Postupak ovakvih izmjena i dopuna studijskog programa sprovodi se uz primjenu procedura za uvođenje novog studijskog programa.

Članak 12.

Usvojene izmjene studijskog programa u više od 20 ECTS bodova, dostavljaju se, po odluci Senata na prijedlog znanstveno nastavnih vijeća ustrojbenih jedinica, Ministarstvu prosvjete, znanosti, kulture i športa na ponovno licenciranje. Postupak licenciranja studijskog programa vrši se u skladu sa Zakonom o visokom obrazovanju.

IV UKIDANJE STUDIJSKOG PROGRAMA

Članak 12.

Odluku o ukidanju studijskog programa donosi Senat na prijedlog osnivača, organa univerziteta ili ustrojbene jedinice. Odluka o ukidanju studijskog programa donosi se na osnovu Elaborata o ukidanju studijskog programa.

V ZAVRŠNE ODREDBE

Članak 13.

Usvojeni studijski programi, kao i sve naknadne promjene, čuvaju se u elektronskoj ili tiskanoj verziji u arhivi Univerziteta.

Informacije o nastavnom planu objavljuju se na službenoj web stranici Univerziteta.

Članak 14.

Ovaj Pravilnik stupa na snagu osmog dana od dana objavljivanja na oglasnoj ploči Univerziteta.

M.P.

Predsjednik Senata

prof. dr. sc. Marko Matić

Mostar, 17.12.2014. godine
Broj: S-146/2014